



Future-proofing our children

Sekolo sa Tshipi 3

Setlhogo

Jeso wa ngwaga tse lesome le bobedi a
le mo tempeleng

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Jeso wa ngwaga tse lesome le bobedi a le mo tempeleng**”
Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kebelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Jeso wa ngwaga tse lesome le bobedi a le mo tempeleng
Temana	Luke 2: 41-52
Maikaelelo a thuto	Bana ba lemoga gore Jeso ke Morwa Modimo.

Tshoboko ya thuto:

- Jeso o goletse mo toropong e nnye ya Nazareth ko Galilee le mmaagwe Mary le Joseph.
- Fa Jeso a le ngwaga tse lesome le bobedi, Mary le Joseph ba mo isa Jerusalem go ya moketeng wa Paseka. Modimo o ne wa golola ba Iserael mo bokgobeng, Ka jalo ngwaga le ngwaga ba keteka moletlo o go lebogela Modimo kgololo e. E ne e le mokete o mogolo mme batho ba ne ba tswa ntlheng tsotlhe go tla moletlong.
- Morago ga mokete, Mary le Joseph ba kopana le ba bangwe go tswa Galilee ba boela gae. Ba ne ba tsaya gore Jeso o nan abo magareng ga batho ba ditsala le masika.
- Maitseboweng ao Mary le Joseph ba baakanya kampa e ba tla Lalang mo go yone, mme ba batla Jeso ba mo tlhoka.
- Fa ba sena go batla ka lobaka le le leele ba ya Jerusalem go ya go mmatla ka malatsi a le mararo.
- Morago ga go batla ka lobaka kgabagare ba ya ko tempeleng mme ba mo fitlhela. Jeso o ne a ntse le baruta melao ya Modimo a ba reeditse e bile a botsa dipotso.
- Ba ba neng ba reeditse Jeso ba gakgamatswa ke dipotso tsa gagwe le dikarabo tsa gagwe.
- “Morwaaka ke eng o re dirile jaana?” ga botsa Mary. Nna le rrago re ne re tshwenyegile thata re go bata.”
- “Ka go reng le ne le mpatla?” Jeso a botsa. “A ga le itse gore ke tshwanetse go tsena mo ntlung y aga Rara go dira se a batlang ke se dira?” Mary le Joseph ba seka ba thaloganya se a se buang.
- Jeso a boela ko Nazareth le batsadi ba gagwe mme o ne a ba ikobela. Mary a boloka tse tsotlhe mo pelong ya gagwe mme Jeso a gola ka mmele le botlhale, a bona thuso ya batho le Modimo.



Thuto e e re ruta eng?

- Botlhale jwa Modimo bo ne bo le mo go Jeso. O ne a kgona go araba dipotso tsotlhe, gonne o ne a itse Rraagwe wa legodimo tota.
- Jeso o ne a na le kgogedi ya go ya tempeleng, o ne a ikutlwa a le gaufi le rraagwe teng koo. Jeso a lemoga se Modimo sa gagwe mo puisanyong ya gagwe ko tempeleng. Ke Morwa Modimo yo o rometsweng go golola batho.
- Re bana ba Modimo. Re nna le sebaka sa go nna gaufi nae fa re utlwa lefoko la gagwe mo tirelong, re etetswe le fa re rapela.

Gakologelwa Jeso ke Morwa Modimo re tshwanetse go latela sekai sa gagwe ka go ya tirelong le go rapela.

Dipotso tse re ka di botsang:

1. Ke ka go reng Mary, Joseph le Jeso ba ne ba ya Jerusalem?

A: Ba ne ba tsene moletlo wa paseka

2. Jeso o ne a dira eng ko tempeleng fa batsadi ba gagwe ba mo fitlhela?

A: O ne a ntse le baruta molao wa Modimo, a ba reeditse e bile a botsa dipotso. O ne a araba dipotso ka botlhale jo bogolo.

3. Ka go reng Jeso a ne a ya tempeleng?

A: O ne a ikutlwa a le gaufi le Modimo teng koo, e bile o ne a itse gore ke Morwa Modimo yo o romilweng go golola batho

Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gakolole gore mo diemong tsholhe re ka go rapela.

Re thuse go nna re leboga le tsholofetso ya gore kagiso ya gago e tla aga mo go rona.

Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso, Amen